

կ'սկսեն հրացանաձգութիւն և երեսայքը ու շրջապատողները կրկանչեն՝ «խաբեցինք, առանք»¹⁾։

Շիրակում մինչև քահանայի գալն ու նշան օրհնելը հարսի տանը հաւաքուած փեսայի ազգականները զանազան խորախկներով լի սեղանը վայելելուց յետոյ, հարսնացուի ծնողներին ու մերձաւորներին լացացնելու նպատակով բղաւելով երգում են՝ «Տանում, տանում են, առէ ջան» երգը²⁾։

Ախալցխայի գաւառում, նմանապէս շատ տեղերում, խաչեղբայքը պսակի առաջին գիշերը չի քնում և հսկում է, վախենալով՝ մի դուցէ աղջկայ եղբայքը գողանայ նրանից փեսայի թուրը. և եթէ գողացուի՝ դա մեծ անպատուութիւն է համարում փեսայի համար։

Գարալագեագում հարսնածի ժամանակ ազափներն ու թագաւորի կողմի մարդիկ դուրսը կանգնած, զիտամբ գոչումներ են անում «ճիննինի, ճիննինի, հարսը տարան» որպէսզի բարկացնեն հարսի ծնողներին ու բարեկամներին։ Այդ հրաժարականի, լացի, աղմկի և ուրախութեան ժամանակ ազափներից մինը, որ կոչւում է աղուէս, ընկնում է հարսի հօրանց հաւերի յետևից և ծածուկ աշխատում է բռնել նրանց ու տանել, որպէսզի յետոյ ազափներն ուտեն, քէֆ անեն³⁾։

Գանձակի գաւառում հարսնածի ժամանակ մակարներն ու ազափները ծաղրում են հարսնամօրը երգելով.

Մէջքդ կոտրի, հարսնամէր,
Կուռդ կոտրի, հարսնամէր,
Ոտդ կոտրի, հարսնամէր,
Աչքդ դուրս գայ, հարսնամէր,
Ա՛յ, բէյմուրվաթ, էս ինչան,
Ռախէդ գնում ա, էլ չի գալ⁴⁾։

¹⁾ Ալլահվերդեան, — Ուլնիա կամ Ջէյթուն։

²⁾ Էմինեան Ազգագրական ժողովածու. հատ. Ա. կրես. 247.

³⁾ Քաջրեբունի՝ Հայկական սովորութիւններ — Ազգագրական Հանդէս. 1901 թ. գիրք VII և VIII կր. 179.

⁴⁾ Եր. Լալայեան՝ Գանձակի գաւառ — Եր. 32—33.